



Advance Krismas leh Carol hlim taka hman a ni

Chanmari West, 23rd Dec.: Chanmari West Branch YMA Executive-in a lo rel tawh angin Ni 19.12.2012 (Nilai) zan inkhawm ban khan Advance Krismas leh Carol Service hman a ni. Hun bul lam hi YMA Zawlbukah hman a ni a, Pu T. Ngurkhuma Branch YMA President-in a kaihrui.

He hun hi ruahmanna hmasaah chuan Ni 18.12.2012 zana hman tuma a ni a, remchan zawkna avangin Ni 19-ah hian sawn a ni. Pu Lalthuamluaia Branch Executive member chuan hunserh a hmang a, Pu R. Lalmachhuana Branch YMA Vice President-in kumin chhunga kan veng mi 40 chatuan ram pan tate sunna hun hman chu a kaihruaia a, sun nan hian ngawireng a din hnuah, Salvation Army, Chanmari West Corps Brass Band in thiam takin 'Ram eng mawi' tih mawi takin an tum baw. Mi harsate pualin thilpek lakkhawm a ni a, heng sum leh Relief fund atang hian kan veng chhunga mi 15-te hnenah tanpuina sem a ni.

Zawlbuka hun hman zawh hian zai turin kal chhuah a ni a, Pi Thangzeli 'N' kawtah zai tanin, Pu Dengthanga 'K' kawtah zai leh a ni a, thuchah tawi Pu K. Lalremruata hnen atangin ngaihtlak a ni.

Pu S. Lalmama 'K' kawtah zai leh a ni a, Pu Lalrinlana 'K' kawtah zai leh in Pu PC. Pakunga hnen atangin thuchah tawi ngaihtlak leh a ni baw.

Pu Lalrinlana kawt atang hian kal

chhoi Pu H. Lalthlamuana 'T' kawtah zai leh a ni a, CV Library kawtah zai leh in Pu Sangthuama Rawite-in thuchah tawi a sawi leh baw. Pu P. Zakhuma 'T' kawtah zai leh in, Pu R. Rokima 'CH' kawtah an zai leh baw. Vana pa Section lamah kal thlain Pi Mankungi 'V' inchungah an zai leh a, Pu HVL. Zarzoenga hnen atangin thuchah tawi ngaihtlak leh a ni a, tichuan Vana pa Section tawp hrut leh in Pu Runa Mualah zai leh a ni a, heta tang hian YMA Park pan phei leh a ni a, tual meipui ai pahin Sawhchiar tui tak pirho a ni. Ei leh in lam zawh hnu hian hlim takin zaiho leh a ni a, Pu C. Lalarliana kaihruaia hnuai Pu HVL. Zarzoenga'n tawngtaiin hun a khar ta a, Dar 1:30 velah memberte an tindarh ta a ni.

Hetia tuallaia zaia hun hman lai hian hruaitu thenkhatten YMA Motto angin tanpui ngaite tanpuina pawisa an lo sem a. He huna kal nu leh pa leh thalai zawng zawngte chungah leh eitur tui tak siam saktute chungah lawmthu an sawi a, mi inphalte avangin YMA chuan mi dangte an tanpui theih phah a ni.

CHIBAI BUKNA

Kumin Krismas lo thleng turah vengchhung mipui zawng zawngte Chanmari West Branch YMA chuan Krismas chibak kan buk che u a, hlim leh lawm taka hmang turin duhsakna sang ber kan hlan a che u.

LPS Samari mi tha

Nimin khan kan vengah LPS Samari mi thaterawn kalin tanpuina anrawn sem a, kan Branch YMA hruaituten an lo tawiawm a ni. Hetianga mi dangte tan inpe an awm hi a lawmawm in a ropui hle a ni.

NGENNA

Kumin Krismas leh kum thar 2013 lo thleng turah halpuah leh halmawi hal lo turin kan inngen leh a. Silai lem a mu nei chi pawh hman khap a ni a, vengchhunga dawr neite pawhin halpuah, halmawi leh silai lem a mu nei chi zuar lo turin kan inngen leh a ni.

KEIMAHNI

YMAAW semtute lawmthu sawina thilpek a ni a, YMAAW semtu la la ve lo ten Editor inah lam tur a ni e. Tunkar YMAAW chu Editor inah chhut tum a ni a, report pe tur ten lo hriat mai nise.

Branch News

Ni 19.12.2012 (Nilai) zan Inkhawm ban khan Advance Krismas leh Carol Service a ni a, hemi huna tel zawng zawngte chungah lawmthu sawi a ni.

Carol kan hman a Sound System min hmantirtu te, eitur min siam saktu te leh chanvo hrang hrang hmangtute chungah lawmthu sawi a ni.

Nimin khan Branch sum, Section sum leh YMAAW sumte audit a ni a, auditor-te chungah lawmthu kan sawi a ni.

Ni 20.12.2012 atang khan Section tinah YMA te duty a ni a, harsatna neite chuan hruaitute hnenah hriattir vat turin kan inngen e.

Pu H. Lalhruaia F/o Lalmuanpuia 'K' Section chuan tanpui ngaite tanpui nan YMA Relief Fund-ah Rs. 10000/- anrawn pe a, an chungah Branch Committee chuan lawmthu an sawi a ni.

Ni 17.12.2012 khan YMA Zawlbukah Disaster Management Training a ni a, he huna member kal zawng zawngte chungah Branch YMA chuan lawmthu a sawi a ni.

Ni 19.12.2012 zan khan kan veng hmeichhe tleirawl pahnih chu Chanmari YMA ten an zuin an man a, hetianga man ngai hian veng chhung mite awm tawh lo turin an ngen.

Branch Executive member Pu C. Zonunsanga nupui Pi Lalremdiki chu Civil Hospitalah a awm a, dam taka a lo chhuah leh thuai an beisei.



TUNKAR CHANGVAWN

Vantirhkoh chuan an hnenah, 'Hlau suh ulang, ngai rawh u, mi tin ta tur chanchin tha lawmawm em em karawn thlen che u a ni. Vawinah hian in tan Davida kuaah Chhandamtu a piang ta, Lal Krista chu.

Luka 2:10,11

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	<u>T. Ngurkhuma</u>	9436190843
Vice President	<u>R. Lalmachhuana</u>	9436151817
Secretary	<u>RL. Thanhnuna</u>	9436152760
Asst. Secretary	<u>Zairemmawia</u>	9862385654
Treasurer	<u>C. Lalzarliana</u>	9436142049
Fin.Secretary	<u>K. Darthantluanga</u>	9436196071
Adviser-te :	<u>Pu Lalbiakthanga Khiangte</u>	
	<u>Pu Rothuama, Pi Zamanthangi</u>	
	<u>Pu Lalrengpuia Sailo</u>	

Editorial :

Krismas kan lo thleng leh dawn ta, a ropui e. Kumin chhung hian kan veng atang ngawt pawhin mi 40 chuan he hunpui hi an thleng thei lova, kan chan bik hi kan vannei e tih loh rual a ni lo. Thihna mai bakah mi tam tak chuan natna avangin mahni in lum an luah thei lova, retheih vangin an ngui a, an mangang bawk thin.

Kan tana Lal Isua rawn inpekna ni hi nasa tak leh ropui taka kan lawm a phu a ni. Hlim takin lawm ila, A thu a kan hmuh ang hian kan thinlung erawh a lam hawn ila, he khawvel hlimhlapwna lam tel lo hian kan hmang tur a ni ang. Nun nei ve thei tawh lo tur ten NUN kan neih leh theih nan Lal Isua kan tan a rawn inpe a, chuvang chuan nun kan lo nei ta.

Krismas hi mi dangte tana inpekna ni a lo ni ta a ni. Hei vang hian keini a hnung zuitu Kristain nun dan tha ngaisangtute hian kan zui Isua angin mi dangte tan malsawmna kan nih a ngai a ni. He hunah hian mi tam tak chuan an neih rosum bawm hawngin tanpui ngaite an tanpui a, mi harsa hlim taka masi hmang ve thei lo ten an lo hman theih phah a ni.

Tun tum chu fakna lam chhuah tur kan dawng tam a, kan chhuah lo thei si lova, chhiartute hriatthiamna leh an tangkaipui kan beisei a ni.

2012 Thuvawn

*I awmdan tur chu
LALPA chungah nghat
la; Amah chu ring la,
aman a ti vek ang.*

article**Krismas kan hmang leh dawn...**

T-a

December 25 hi Krismas a ni a, Pathian zarah kan dam a nih phawt chuan kan hmang leh dawn tih a chiang. He ni hian amah maiin danglamna a neih lo; mahse, kristiante kutpui pawimawh bera chhal ngam a nih avangin Mizote'n kan ngai ropui a, tunlai dinhmun thlirin khawvel huap pawhin he hun ngaihven leh ngai pawimawh ber kan ni hial mai thei.

Kristian kan nih atangin Mizote tan krismas hi a hluin a ropui a, nikhua kan hriat miah hma; kan pian hlim atangin awmzia a nei nghal tih a lanna chu kan hmang put dan atangin a hriat. Kum upa apiangin krismas an hmang hnem a, naupang kan nih laiin a nuam duh tlangpui thung a, kan upa tial tial ho kan ti tial tial emaw tih awl tak a ni.

Chuti a nih chuan krismas hi naupang lawm mai mai a ni em a theih. Chutih laiin Khawvel chhandam tura Lal Isua lo pian ni champha angin kristianten kan lawm a, naupang lawm ringawt a ni lo tih a chiang a, kan hman duh dan leh tum dan a zira tehna kan lek avangin kan naupan laia krismas kan hman thin chu nuam em em niin kan hre ta pawh a ni mai thei ?

A nawm leh nawm loh chungchang kan sawi hian khawvel thil atangin tehna kan lek tlangpui a, chuvang chuan naupang rilru kan kalsan hnu atangin "krismasah chuan" tiin a tam zawkin khawvel thil takin suanguahna kan nei a, duhthu kan sam thin. Nuam vawrtawp chu he krismas nen hian hmehbelin a taka thleng thei turin kan ngai tlangpui a, a thlen mai thin loh avangin rin aiin a ho duh viau ni tur a ni.

Ka mimal thlir ve dan chuan chuti teh vakin krismas hian khawvel thil lamah mi dek na lem lo va, ka hman ve tawh chinah he ni hian khawvel thil taka ka nunphung a tihdanglam tehchiam pawh ka hre lo. March 23 emaw June 9 emaw ka hman dan nen a danglam tam lo a, ka ngaihnanah pawh ni dang ang tho a ni.

Kristian kan nihna zawn atang erawh chuan ngaihnan pakhat ka nei a, he ka ngaihnan hi krismas hman dan tur dik a ni ka tihna erawh a ni lo. Krismas hi nawmchenna tur niin ka hre thei lo thung. Kum khatah ni 365 emaw 366 emaw a awm thin a, kristian kan nihna zawn atangin ni pawimawh bik pahni a awm : chu chu kan zui Isua thihna champha anga kan hman thin 'Good Friday' leh a pian champha anga kan lawm mek

'December 25, Krismas' hi a ni.

Heng ni serhhran leh kohhran pawhin urhsun taka a hman thin zingah hian 'Good Friday' hi kohhran chanpual deuha ngaihna a lian a, mimir chuan kan hlutin kan ngaihven lutuk lo. Krismas erawh naupang atanga tar, mi tin huap hun hlimawm angin kan hmuak a, kan hmang. Krismas atan hian kawng hrang hranga kan inbuatsaihna pawh a nasa.

Miten an duh danin engtin pawh an hmang thei. Mahse, kei chuan heti hian ka ngaihnuah thin. Kristian ka nih miao avangin krismas hi ka tan a hlu a, a ropui a, a pawimawh bawk. Inhlan ral turin ka tan Isua a rawn inpe a, bul a tanna ni a ni a, zah a phu a, mi sual ber tan pawh nuam kan tih zawng aiin kan hman chhan Isua duh dan ngaih pawimawh a tul a, a tul tak zet niin ka hria.

Ni danga ka hun hman dan aia tha ka hlan ve turah ka ngai a, kan rilru pawh kan tihthianghlim a ngai. December 25 mai ni lovin a hma atanga ka inpuahchahna leh a hnua he ni kan lawm zuina thlengin kan nuna a tha ber kan hlan a ngai tak zet tih hi ka rilrua a lan dan a ni. Chhandam ngai mi sual ka ni a, ka intihthianghlimna leh ka inpekna emaw, mi dang tana ka thiltih ve avangin chhandam tur ka ni lo tih inhre mah ila, krismasah kher hi chuan ka sual ka sim a, a tha zawnga ka intihdanglam a, keimah leh mi dang tan malsawmna ni tura ka nun ka hman hi tihmakmawh niin ka hria.

Kuminah ni 366 a awm a, ni 365 thil sual tih nan ka hmang a nih pawhin December 25-ah kher hi chuan Lal Isua leh krismas avangin sual lakah fihlim hram ka tum tur a ni ang. Chu chu krismas ka hman dan tur niin ka hre thin a, ka duh dan anga hman erawh a harsa ka ti fo.

Ka ngaihnuahnaa lut lian ber leh ka thinlung tur na em em thin chu eng vangin nge krismas leh a behbawmah hian kan tih duh loh thil sual kan ti thin tih hi a ni. Hei hi krismas hman dan tur letling thawk niin ka hria. Chumi piah lamah kan zui Lal Isua ngei pawh hian September 1, 2 bawr vela thil sual ti thinte aiin krismas behbawm December 24, 25 leh 26 thlenga sual kawng zawh thinte hi a huat bik ka ring thin. Sual kawng kan zawh dawn a nih rau rau pawhin Krismas bawr ni lovin, hun dang thlang zawk ila a fuhin ka ring a, kan tih duh ngai loh suala tluk phah nan phei chuan krismas bawr vel kher hi chu thing lo leh pawh bik em em a ni ang

(Phek linaah zawm a ni...)

CHAWNGBAWLA

- ☞ Pu Laldinthara te chhungkua chuan an pa Pu Kawlthuama (L) hriatreng nan Gas thuk tha tak mai an pe a, an chungah an lawm hle.
- ☞ Veng chhung cheina atana thilpek petu zawng zawnge chungah lawmthu an sawi a, heng a cheina hi tichhe lo hram turin an gen a ni.
- ☞ Ni 20.12.2012 zanah khan YMA Duty tan a ni a, duty buk hi Pu Lalramzauva (Azauva) kawngkawi puiah a ni. Duty nana phal taka an in hman tirtu chungah lawmthu an sawi a ni. Tv. Vanlalnghaka (Nghaktea) chuan ropui lem lo takin a hawng a, ani hi buk hawng leh khaw leh tura ruat nghal a ni.
- ☞ Duty hun chhunga harsatna nei chuan Section hruaitute hnenah hriattir vat tur a ni.
- ☞ An Treasurer Pu JK. Zosangliana leh Committee member Pu Vanlalngheta Pachuau te chu Maldive-ah zaiin an kal a, Krismas an hmang nghal dawn, tluang taka an lo haw leh an beisei.
- ☞ An Committee member leh Bial 4-na Asst. leader Pu Lalbiakzuala Sailo chu ICON thlanah fak a hlawh hle a, an lawmpuiin an chhuang hle.
- ☞ Krismas lo thleng turah Section mite hlim taka hmang turin duhsakna an hlan.

TAITESENA

- ☞ Ni 20.12.12 Zan atang khan section chhungah Duty tan a ni a, buai leh harsatna neite chuan a rang lama hriattir turin an inngen a, Section hruaitu phe chu duty ngai pawimawh turin an inngen baw.
- ☞ An Section chhuang mipuite Christmas lawm tak leh hlim taka hmang turin Christmas chibai an buk.
- ☞ An member PC. Lalremruata (Materema) England-a awm pawh chawlh hmangin a lo haw mek a.

VANAPA

- ☞ Ni 20.12.'12 (Ninga) zan dar 7:30 khan Pu VL Thakima (Leader) kaihhruiin Pu RL Thanhnuna, Branch Secretary (2012) in Duty Buk a hawng. Pu R. Lalmalsawma, Branch Committee member-in Pathian hnenah a hlan, Duty Buk hawna hunah hian mi 30 vel an tel, ei tur tui hnai tak an buatsaih baw.
- ☞ Duty dan tur hi Duty Buka awm mai bakah veng chhung fan kual thin a ni ang.

- ☞ Duty tura beiseite mahni hun ngaipawimawh turin an inngen a, hman phawt chuan zan tin pawh a duty theih tih an inhriattir baw.
- ☞ Duty-na hmuna a tul atana hman tura sum leh pai thawhtu Pu H. Vanlalvena, Pu R. Lalremsiama leh Pu Zohmingsanga te chungah an lawm hle.
- ☞ An member Pu H. Lalremtluanga'n fanu thar duhawm tak a nei chu an lawmpui hle.
- ☞ Ni 21.12.'12 (Zirtawp) zana Duty-te ei tur chhang tumsaktu Pu Lalfakawma chungah lawmthu an sawi.
- ☞ Section chhunga buaina a awmin heng Phone no. ah te hian hriattir thin turin an inngen- 9436197506 / 9436195702 / 9774862952 / 9612082609
- ☞ Gas Stove (a lian chi) pakhat chu a neitu hriat a ni lova, YMA kutah a awm mek a, a tibo chuan hruaitute hnenah ngaihven theih a ni e.
- ☞ Section mipuite Krismas hlim taka hmang turin duhsakna an hlan a, mi dangte tana harsatna siamtu ni lova, tanpuitu nih tum theuh turin an inngen.
- ☞ YMA Duty-te theih tawpa tanpui thin turin YMA member leh section chhunga nu leh pa zawng zawnge an sawm.

KHUANGCHERA

- ☞ 'K' leh 'T' section inkar stepa ruihlo ti a thu thin thalaite kha thu tawh lo tura hriattir inni e.
- ☞ An hruaitu Pu R. Lalthanpuia chu Serkhan khaw lamah Krismas hmang turin a zin.
- ☞ Ni 20.12.2012 atanga 3.1.2013 thleng duty thin tur a ni a, Hruaitute leh Member-te duty ngai pawimawha duty thin turin an inchah.
- ☞ Disaster Training-a Section aiawhin heng mite hi an thawkchhuak: Pu Lalchhanhima, Pu Zonunsanga, Pu H. Vanlalsanga, Tv. Lalbiakdika, Tv. Zarzolian, Tv. Lalbiakmawia, Ni. Lalrindiki, Ni. Ramdinmawii
- ☞ Section huamchhungah buaina leh harsatna a awmin 9436151077/ 9862581814/ 8974132366/ 9612907424-ah te hian arang lama inhriattir turin an inngen.
- ☞ An member duhawm Tv. F. Lalhmingmawia'n Volleyball-ah National Referee a passed chu an lawmpuiin, hetiang mi veng chhungin kan nei hi an chhuang tak zet a ni.
- ☞ Branch YMA Carol Service neih zawh taka Section atanga thawk-

chhuak zawng zawnge chungah lawmthu an sawi a. A bik takin Khuangchera Pawl, Nu leh pa thawkchhuakte chungah an lawm hle a ni.

- ☞ Section mipui zawng zawnge Krismas hlim leh nuam ti taka hmang theuh turin duhsakna an hlan.

NEUVA

- ☞ Ni 21.12.12 (zirtawp) zan dar 7:00 khan Sport Closing Function leh Advance Christmas YMA Zawlbukah neih a ni. Sport lawmman sem nghal a ni a, Ina mi 18, 2 na mi 19 leh 3 na mi 15 te hnenah lawmman pek an ni a, Neuva Sport-2012 ah hian Point 360 hmu in CHEMTATRAWTA Group te chu an Champion a, Chhurbura Group, Tuaisiala Group leh Thinlanga Group ten an dawl a ni.
- ☞ Drawing Competition (YMA Chhang) a tel zawng zawnge ten Tv R. Laltilankima, Secy hnenah lawmman (Participation Prize) lam tur a ni.
- ☞ YMA AW semtu leh mitthi buhfai khawntu, lawmman la lote chuan Tv EVL Hruaitluanga, Asst. Secy hnehah lawmthu sawina thil pek lam tur a ni.
- ☞ Sport Closing leh Advance Christmas a, Sawhchiar siamna atan a Buhfai 10 kg petu Pi Sangpuii, Retailer No-II chungah lawmthu an sawi.
- ☞ Disaster Training a Section aiawh a kal zawng zawnge chungah lawmthu an sawi a, Section aiawh a kal ten hlawkthlak an ti hle.
- ☞ Branch YMA Carol Service neih zawh tak a Section huam chhung atang a member kal zawng zawnge chungah Committee chuan lawmthu an sawi
- ☞ Pasaltha Neuva Inah Krismas leh kumthar vuak vetah DUTY thin a ni dawn a, Buaina siam an awm emaw harsatna neite chuan 9862358347, 9774041207, 9862366308, 9862365881, 9436361020 leh 9862655426 ah te hian hriattir vat thin tur a ni. Member Duty rual chu Duty theuh thin tur a ni.
- ☞ Section mipuite Krismas hlim taka hmang theuh turin duhsakna an hlan.

MUP

- ☞ Kumin chhung hian an member mi 14 laiin chatuan ram an pansan avangin harsatna an tawh nasa hle a, churang chuan Ni 13,14.12.2012 khan Krismas Carol an nei a, he huna tanpuina lo petu zawng zawnge chungah lawmthu an sawi a ni.
- ☞ Krismas leh kum thar hlim taka hmang turin veng chhung mite duhsakna an hlan baw a ni.

(Phek linaah zawm a ni...)

tih hi ka ring fo thin.

Kan biak hi Engkimtithai a nih si chuan, Engkimtithai hming chawia kan serh bik hunpuia a duh loh ber anga kan che sual duh tlat hi huaisenna athlak ber a nih ngei ka ring a, a pawizia kan hre pha lo niin ka hria. Pawi khawihna pawi vawrtawp leh inzah lohna tawpkhawk a tling a, kan biak Pathian hi mihring rilru ang lek pu ni phei se chuan chawplehchilha kan tawrhna tur hi a raphlak tak zetin ka ring bawk.

Chuvangin krismas hi khawvel thil a ni emaw thlarau thil a ni emaw, engti zawng pawhin hmang ila, keimahnia a tha ber kan hlanna tur hun a nih ngei ka ring. chuti a nih loh pawhin mi sual ber pawhin thil sual kan tih loh tawpna tur leh kan inserh thianghlim vena hun ni ngeiin a lang. Ni dang zawng chu ho takin kan hmang a, kan nung thin a nih pawhin hemi ni leh a behbawmah kher hi chu chung lam thlir chungin, a tha zawnga eng emaw ti tala kan nun tihdanglam tum ila tha takin krismas kan hmang kan ti thei ang.

Nawmchenna leh khawvel thila intihhlim kan duh a nih chuan Krismas-ah ni lovin May 15 emaw ni dang eng pawh rek ta zawk ila, krismas kan tibuai lo a nih chuan a la fuh hrim hrim. Krismas ber kher hi chu sual leh a ni lo zawnga hman atan kei chuan ka phal lo va, thil thianga pawh ka ngai thei lo. Intihhlim chawp tumna zawng zawng pawh ni danga tihah khek chi a ni.

TANDOORI TANDOORI

Krismas leh kum thar hlim leh nuam taka i hman theih nan henge hi kan nei a, zing dar 9 - zan dar 10 thleng dawr theih reng kan ni.

- 1. South Indian Chicken Tandoori (a bawp hlang, a thla hlang, a ti hlang, a phel leh pum)
- 2. Ar puah sa

VOHBIK SADA
Chanmari West, Aizawl
9615332544

THLALAK

Hunpui kan thleng leh ta, thianho leh mimal thlalak duh tan, pan leh koh theih kan ni e

Thlalak hlui pawh kan siamtha thei bawk e.

Lallawmpuia
Chawngbawla Section
(1-2) 9862493128

TUI KAN PE THEI

Tui thianghlim tak mamawh tan englai pawhin kan pe thei reng e.

Dinga 'CH Section'
9402591334 (3-4)

ZOFA NEWS

✂ Ni 21.12.2012 (Zirtawp) zan khan Pu Lalbiakhluate inah OB meeting an thu.

✂ Ni 27.12.2012 hian kum tawp meeting pahin NI Vanlalmuanpuiite in (vanapa Sect) ah chawhlui kil ho an tum a, Committee member te'n he hun hi ngaipawimawh theuh turin an inhriattir.

✂ Kum thar hun remchang hmasa berah Ral Lu Lam Film shooting neih chhonzawm leh an tum a, a changtute hun remchang lo insiam turin an inngen.

✂ Film siamna atana theih tawpa tanpui thintute leh a changtute chungah lawmthu an sawi.

✂ Club member zawng zawngte Krismas hlim taka hmang theuh turin duhsakna an hlan.

MHIP

✂ Ni 20.12.2012 zan khan Branch Executive meeting a ni a, he hun hi hlim taka hman a ni. Kumin chhunga meeting kalkimte hnenah lawmman pek a ni a, Krismas present inpek tawn a ni bawk.

✂ Kum 2013 hruaitu thlan chu January thla hun remchanga hman tur a ni, nomination siam a inthlan tur a ni.

✂ Kum 2012 Krismas chu member zawng zawng ten hlim taka hmang turin duhsakna an hlanin Krismas chibai an buk a ni.

CHHUNG TIN MAMAWH

Puanthui khawl, Puan par, Puan Chhah thui thei turin ka siam thei reng e. Gas Stova tha lo, Leak, Herh sak, Sim a thi pawh ka siam thei a. Khawl hlui puan eng pawh thui thei tlawm te a lei tur pawh a awm bawk. I mamawh chuan min han phone la, ka rawn pan mai dawn che a nia.

Save rawh le
(3-3) LH CHAWNGTHU.
9612322639

MAMA SHOE STORE

Mipa pheikhawk Smart Shoe leh Sneaker chi hrang hrang a man tlawm atang a to ber thleng, Branded chi hrang hrang awmna Intac Shoe Original pawh a awm e. Veng mite duhsak an ni e.
• Ni 10.12.2012 (Thawhtan) atang • khian zanah pawh dawr theih kan • ni dawn e. Min rawn dawr turin kan • sawm a che u.
• Millenium Centre. 3rd Floor, D-73 • Contact. Vanromawia (Mawia) • (3-4) 9862957982

Mistiri Association Hriattirna

Dt 29.12.2012 hian Chanmari West Mistiri Association chuan kum 2013 hruaitu thar an thlang dawn a, member zawng zawng kal vek turin an inhriattir.

A hmun : Pu Lalrinmawia Ralte In,
Khuangchera Section
A hun : 1:00pm

Tlaiah chawhlui kil ho nghal tur a ni ang.

Rosy Drug Store

Damdawi duh tan englai pawhin pan theih reng kan ni. BP check leh jection pawh kan ti thei nghal e.

Lalhmingliani 'CH Section'
Kawrpui bul (1-2)

SPECIAL OFFER

Kum 2012 Krismas tlai leh hlim tak a in hman theih nan SPECIAL PLUM CAKE kan rawn chhawp chhuak e. Rs. 300, 500, 1000 man te in siam a ni a, Cake tui tak i ei duh chuan han Order ve ngei ang che.

Chu mai a la ni hleinem, Chicken Tandoori, Five Star Hotel a experiance nei tawh in a saim tawh a la Order theih cheu. Order lawk loh chu kan pek theih dawn loh avangin tun atanga Ni 24.12.2012 chhun dar 12 thleng Order theih a ni e. Rawn hmanhmawh teh, i chang lo palh a nge. 1 kg - Rs. 450

(2-2) **LS BAKERY**
Chanmari West, Aizawl.
Ph No.2344772

NAUPANG DRAMA WORKSHOP

Helen O'Grady International chuan a hnuai mi ang hian chool chawlh chhungin Drama Workshop a buatsaih dawn. Mipa leh Hmeichhie naupang a duh apiang tan admission tih theih a ni ta.

A hmun : H. Rallian Building
Bethel Lungphun Bul
Chaltlang, Bethel
A hun : 17.12, 2012 - 12.1.2013
Fee : Rs 1500/-
Age Group : 3yrs - 14yrs
Contact : 8974003592/9862740076
I fa tan malsawmna bul tan rawh le!! Let your child come and join the FUN!! (3-3)